



LEMBAGA MINYAK SAWIT MALAYSIA
Malaysian Palm Oil Board

Kementerian Perladangan dan Komoditi
(Ministry of Plantation and Commodities)

Ruj. Tuan / Your Ref. :

Ruj. Kami / Our Ref. : (4) 04/C/PD/656/4 Jil. 7

12 November 2024

Pk (EL) MPOB 03/2024

Semua Pemegang Lesen Kategori:

1. Kilang Pelumat Isirung Sawit (CF);
2. Kilang Oleokimia Sawit (CM); dan
3. Kilang Penapis (RF)

Tuan/ Puan,

PENGUATKUASAAN TAMBAHAN KRITERIA PERMOHONAN LESEN DAN SYARAT LESEN YANG DIKENAKAN BAGI PEMEGANG LESEN DALAM KATEGORI KILANG PELUMAT ISIRUNG SAWIT (CF), KILANG OLEOKIMIA SAWIT (CM) DAN KILANG PENAPIS (RF); MANDATORI PENSIJILAN MINYAK SAWIT MAMPAN (MSPO)

Dengan segala hormatnya saya merujuk kepada perkara tersebut di atas.

2. Dimaklumkan bahawa Mesyuarat Lembaga ke-134 yang telah diadakan pada 17 Oktober 2024 telah meluluskan dan bersetuju menguatkuasakan tambahan Kriteria Permohonan Lesen dan Syarat Lesen berkaitan Pensijilan MSPO serta pematuhan kehendak dan keperluan yang terkandung dalam piawai MSPO yang akan dikenakan ke atas kategori Kilang Pelumat Isirung Sawit (CF), Kilang Oleokimia Sawit (CM) dan Kilang Penapis (RF).
3. Sehubungan dengan itu, Lembaga akan menguatkuasakan kriteria dan syarat lesen seperti yang diperincikan di dalam **Pekeliling Penguatkuasaan (Pelesenan) MPOB 03/2024 [Pk (EL) MPOB 03/2024] mulai 1 Januari 2025**. Walau bagaimanapun, pihak industri yang berkaitan diberi tempoh enam (6) bulan bertenang bagi tujuan familiarisasi dan tindakan penguatkuasaan akan dilaksanakan bermula pada 1 Julai 2025.
4. Dalam hal ini, pihak tuan/ puan dikehendaki mematuhi syarat-syarat lesen yang telah ditetapkan sebagaimana Jadual Enam, Peraturan 21, Peraturan-Peraturan Lembaga Minyak Sawit Malaysia (Pelesenan) 2005 bagi mengelak tindakan penguatkuasaan MPOB.

Sekian, terima kasih.

"MALAYSIA MADANI"

"BERKHIDMAT UNTUK NEGARA"

Yang benar,

DATUK DR. AHMAD PARVEEZ HJ. GHULAM KADIR
Ketua Pengarah



SIRIM
CERTIFIED TO ISO 9001:2015
CERT. NO.: QAS 02602



s.k.

- i) Pengerusi MPOB
- ii) Setiausaha Bahagian Kanan, Bahagian Kemajuan Industri Sawit & Sago (BISS) KPK
- iii) Setiausaha Malaysian Oil Palm Association (MPOA)
- iv) Setiausaha Palm Oil Refiners Association of Malaysia (PORAM)
- v) Setiausaha Palm Oil Millers Association (POMA)
- vi) Setiausaha The Malayan Edible Oil Manufacturers' Association (MEOMA)
- vii) Setiausaha Malaysian Oleochemical Manufacturers Group (MOMG)



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PELESENAN) MPOB**

Rujukan Pekeliling : Pk (EL) MPOB 03/2024
Tarikh Kuatkuasa : 1 Januari 2025
Perkara : **PENGUATKUASAAN TAMBAHAN KRITERIA PERMOHONAN
LESEN DAN SYARAT LESEN YANG DIKENAKAN BAGI
PEMEGANG LESEN DALAM KATEGORI KILANG PELUMAT
ISIRUNG SAWIT (CF), KILANG OLEOKIMIA SAWIT (CM) DAN
KILANG PENAPIS (RF): MANDATORI PENSIJILAN MINYAK
SAWIT MAMPAN (MSPO)**

1.0 TUJUAN

1.1 Untuk memaklumkan penguatkuasaan pensijilan Minyak Sawit Mampan Malaysia (MSPO) sebagai tambahan kriteria permohonan lesen dan syarat lesen ke atas pemegang lesen kategori Kilang Pelumat Isirung Sawit (CF), Kilang Oleokimia Sawit (CM) dan Kilang Penapis (RF).

2.0 LATAR BELAKANG

- 2.1** Pensijilan MSPO telah digubal dengan mengambil kira undang-undang dan peraturan-peraturan dalam negara termasuklah kriteria kemampunan. Langkah ini bertujuan untuk meningkatkan imej minyak sawit negara daripada perspektif kemampunan di samping memenuhi permintaan pasaran bagi minyak sawit yang disijilkan agar ianya dapat diterima di pasaran global.
- 2.2** Pensijilan MSPO ini juga telah dibangunkan oleh Kerajaan Malaysia yang mengambil kira kepentingan pengeluar kelapa sawit sama ada bersaiz kecil, sederhana atau besar.
- 2.3** Skim pensijilan MSPO ini juga antara lain membentuk sebahagian daripada strategi untuk menangani beberapa isu berkaitan yang memberi impak kepada industri kelapa sawit terutamanya mengenai kelestarian alam sekitar dan keprihatinan terhadap pembangunan sosio-ekonomi. Skop MSPO mencakupi piawaian menyeluruh bagi industri kelapa sawit termasuk untuk menangani pertikaian yang sebahagiannya berupa spekulasi, tohmahan dan tuduhan tanpa asas yang kukuh. Antara perkara lain yang dibangkitkan dalam konteks ini adalah risiko penyahhutan, penyusutan biodiversiti, kehilangan peranan ekologi dan pelanggaran hak penduduk peribumi.
- 2.4** Pematuhan mandatori pensijilan MSPO telah dilaksanakan secara berperingkat bermula pada 1 Januari 2020 bagi pemegang lesen kategori Kilang Buah Kelapa Sawit (MF), Estet (ET) dan Kebun Kecil (SH). Pematuhan mandatori pensijilan MSPO ini juga bertujuan untuk meningkatkan industri kelapa sawit kepada standard global.
- 2.5** Kesenambungan daripada itu dan bagi memastikan keseluruhan rangkaian pengeluaran produk minyak sawit memenuhi kehendak kemampunan, satu (1) sesi konsultasi bersama industri telah diadakan. Hasil daripada konsultasi tersebut, suatu pendekatan telah diambil

**BAHAGIAN PELESENAN DAN PENGUATKUASAAN
WISMA SAWIT**

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.
Telefon: 03-78022800. Faks: 03-78034014, 603-78061485. www.mpob.gov.my



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PELESENAN) MPOB**

dengan memutuskan bahawa tambahan kriteria permohonan lesen dan suatu peruntukan undang-undang iaitu menambah syarat yang dikenakan pada lesen bagi kategori Kilang Pelumat Isirung Sawit (CF), Kilang Oleokimia Sawit (CM) dan Kilang Penapis (RF) perlu dilaksanakan. Pihak industri juga menyokong hasrat Kerajaan untuk kebaikan industri kelapa sawit negara bagi jangka masa panjang dan memberi impak yang maksima.

- 2.6 Susulan daripada itu, Mesyuarat Lembaga ke-134 yang telah diadakan pada 17 Oktober 2024 memutuskan untuk menambah kriteria permohonan lesen dan syarat lesen yang dikenakan ke atas Kilang Pelumat Isirung Sawit (CF), Kilang Oleokimia Sawit (CM) dan Kilang Penapis (RF).

3.0 PENGUATKUASAAN KRITERIA DAN SYARAT LESEN

- 3.1 Lembaga akan menguatkuasakan kriteria permohonan lesen dan syarat lesen yang dikenakan ke atas Kilang Pelumat Isirung Sawit (CF), Kilang Oleokimia Sawit (CM) dan Kilang Penapis (RF) seperti di **Lampiran 1** dan **Lampiran 2**.
- 3.2 Peraturan 21, Peraturan-Peraturan Lembaga Minyak Sawit Malaysia (Pelesenan) 2005 (Peraturan Pelesenan) memperuntukkan bahawa seseorang pemegang lesen yang tidak mematuhi atau melanggar apa-apa syarat lesen yang dikenakan adalah melakukan suatu kesalahan dan apabila disabitkan boleh didenda tidak melebihi dua ratus ribu ringgit atau dipenjarakan selama tempoh tidak melebihi tiga tahun atau kedua-duanya.
- 3.3 Ketidakpatuhan yang berterusan ke atas kehendak dan keperluan yang terkandung dalam piawaian MSPO serta kegagalan untuk mendapatkan pensijilan MSPO juga boleh menyebabkan sesuatu lesen digantung, dibatalkan atau tidak diperbaharui sebagaimana yang diperuntukkan di bawah Peraturan 15 Peraturan Pelesenan.

4.0 PEMAKAIAN

Pekeliling Penguatkuasaan (Pelesenan) MPOB 03/2024 [Pk (EL) MPOB 03/2024] adalah terpakai kepada kepada semua pemegang lesen kategori Kilang Pelumat Isirung Sawit (CF), Kilang Oleokimia Sawit (CM) dan Kilang Penapis (RF).

5.0 TARIKH KUATKUASA

Pekeliling penguatkuasaan ini berkuatkuasa mulai **1 Januari 2025**.

6.0 PENGESAHAN DAN KELULUSAN


DATUK DR. AHMAD PARVEEZ HJ. GHULAM KADIR
Ketua Pengarah MPOB

Tarikh: **12 November 2024**

**BAHAGIAN PELESENAN DAN PENGUATKUASAAN
WISMA SAWIT**

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.
Telefon: 03-78022800. Faks: 03-78034014, 603-78061485. www.mpob.gov.my

LAMPIRAN 1

TAMBAHAN KRITERIA BAGI PERMOHONAN LESEN DAN SYARAT LESEN BAGI KATEGORI KILANG PELUMAT ISIRUNG SAWIT (CF), KILANG OLEOKIMIA SAWIT (CM) DAN KILANG PENAPIS (RF): MANDATORI PENSIJILAN MINYAK SAWIT MAMPAN (MSPO)

TAMBAHAN KRITERIA LESEN:

- 1. KATEGORI KILANG PENAPIS (RF)**
- 2. KATEGORI KILANG PELUMAT ISIRUNG SAWIT (CF)**
- 3. KATEGORI KILANG OLEOKIMIA SAWIT (CM)**

Tarikh Pelaksanaan: 1 Januari 2025

Tarikh Kuat Kuasa: 1 Julai 2025

“Pemegang lesen diberi tempoh enam (6) bulan dari tarikh lesen diluluskan untuk mempunyai pensijilan *Minyak Sawit Mampam Malaysia (MSPO) daripada mana-mana badan pensijilan yang ditauliahkan oleh Standards Malaysia atau mana-mana agensi yang diiktiraf oleh Lembaga.”

* Nota: Malaysian Standard MS 2530 akan ditentukan mengikut kategori lesen iaitu Malaysian Standard MS 2530 Part 4-2 untuk Kilang Penapis (RF), Kilang Pelumat Isirung Sawit (CF) dan Kilang Oleokimia Sawit (CM).

TAMBAHAN KRITERIA BAGI PERMOHONAN LESEN DAN SYARAT LESEN BAGI KATEGORI KILANG PELUMAT ISIRUNG SAWIT (CF), KILANG OLEOKIMIA SAWIT (CM) DAN KILANG PENAPIS (RF): MANDATORI PENSIJILAN MINYAK SAWIT MAMPAN (MSPO)

TAMBAHAN SYARAT LESEN:

- 1. KATEGORI KILANG PENAPIS (RF)**
- 2. KATEGORI KILANG PELUMAT ISIRUNG SAWIT (CF)**
- 3. KATEGORI KILANG OLEOKIMIA SAWIT (CM)**

Tarikh Pelaksanaan: 1 Januari 2025

Tarikh Kuat Kuasa: 1 Julai 2025

- 1) "Pemegang lesen hendaklah pada setiap masa mematuhi kehendak dan keperluan yang terkandung dalam piawaian Minyak Sawit Mampam Malaysia (MSPO) di bawah Malaysian Standard MS 2530 terkini atau mana-mana standard yang ditentukan oleh Lembaga dan mendapat pengesahan dan perakuan daripada mana-mana badan pensijilan yang ditauliahkan oleh Standards Malaysia atau mana-mana agensi yang diiktiraf Lembaga."

dan

- 2) "Pemegang lesen dikehendaki mempunyai pensijilan Minyak Sawit Mampam Malaysia (MSPO) daripada mana-mana badan pensijilan yang ditauliahkan oleh Standards Malaysia atau mana-mana agensi yang diiktiraf oleh Lembaga."